

VËNDIMI ËSHTË I PLOTFUQISHËM
ODLUKA JE PRAVNOSNAŽNA
GJYKATA THEMELORE / OSNOVNI SUD
FERIZAJ I UROŠEVAC.

P.nr. 2310/2017

Më
Data

30.03.2018

NË EMËR TË POPULLIT

GJYKATA THEMELORE NË FERIZAJ, Departamenti i Përgjithshëm, Divizioni Penal, gjyqtari individual Adem Shabani, me zyrtarin Ligjor Blend Rexhepi-procesmbajtës, në çështjen penale kundër të akuzuarit [REDACTED] nga [REDACTED], Komuna [REDACTED], shkak të veprës penale vjedhja e pyllit nga neni 358 par. 1 të KPRK-së, sipas aktakuzës së PTH në Ferizaj PP/nr.1790-3/2017 të dt.13.09.2017, pas mbajtjes së shqyrtimit fillestar publik, në praninë e përfaqësuesit të akuzës prokurorit të shtetit Bahri Hyseni dhe të akuzuarit, më dt.15.02.2018 të njëjtën ditë mori dhe publikisht shpall këtë:

A K T G J Y K I M

I pandehuri [REDACTED], nga [REDACTED], Komuna [REDACTED], i lindur [REDACTED], nga i ati [REDACTED] dhe e ëma [REDACTED], e gjinisë [REDACTED], shqiptar, shtetas i Republikës së Kosovës, i martuar, prind i një fëmije, i pa punë, i gjendjes së varfër ekonomike, me nr.personal [REDACTED],-

ËSHTË FAJTOR

Sepse:

-Me datën 15.08.2017, rreth orës 01:00, në vendin e quajtur " Paralelja-60 ", në rajonin Ekonomiko Pyjor Nerodime -Jezerc, me qëllim të vjedhjes me sharrë motorike ka prerë katër (4) dru të llojit ah, boniteti III me diametër 30-38 cm, në vëllim të përgjithshëm prej 2.85 metër kub, me ç' rast autoritetit pyjor komunal i ka shkaktuar dëm në vlerë prej 393.21 Euro,-

-me këtë ka kryer veprën penale, Vjedhja e pyllit nga neni 358 par 1 të KPRK-së.

Gjykata në bazë të neneve 4, 7, 17, 41, 43, 46 dhe 73 të KPK-së dhe neneve 365 e 495 të KPPK-së e

G J Y K O N

Të akuzuarin [REDACTED], i shqiptoi DËNIM ME GJOBË. në shumën prej 200 € (dyqind Euro).

Në mbështetje të nenit 46 par.5 1 të KPK-së, dënimi i shqiptuar me gjobë me pëlqimin e të dënuarit ditën e komunikimit i zëvendësohet me punë në dobi të përgjithshme prej 80 (tetëdhjetë) orë, të cilën punë do ta kryej pa pagesë në afat prej tre muajve prej ditës së fillimit të ekzekutimit.

Konform nenit 48 par. 2 të KPK-së, Shërbimi Sprovëues i Kosovës cakton llojin e punës që duhet të kryej personi i dënuar, cakton organizatën në të cilën duhet të punoj i dënuari, cakton ditët, javët që i dënuari duhet të kryej punë në dobi të përgjithshme, si dhe të mbikëqyrë e punën në dobi të përgjithshme.

Në mbështetje të nenit 46 par. 5 të KPRK-së, nëse pas kalimit të kohës së caktuar i pandehuri nuk e kryen punën në dobi të përgjithshme ose e ka kryer vetëm pjesërisht, gjykata do të urdhërojë dënimin me gjobë ku për çdo 8 (tetë) orë të punës në dobi të përgjithshme llogaritet me 20 (njëzet) euro gjobë, e nëse dënimi i shqiptuar nuk mund të ekzekutohet as në mënyra të tjera të parapara në nen. 46 par.3 të KPK-së, do të ekzekutohet në atë mënyrë që për çdo 20 (njëzet) € i akuzuari do të vuajë një ditë burgu.

Nëse dënimi me gjobë nuk mund të ekzekutohet në format tjera sipas nenit 46 par.3 të KPK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Obligohet i pandehuri që të dëmtuarës Drejtorisë për Bujqësi Zhvillim Rural dhe Pylltari në Ferizajnë paguajë shumën prej 393.21 Euro, nga dita e plotëfuqishmerisë së aktgjykimit.

Obligohet i akuzuari që në emër të paushallit gjyqësor shumën prej 20 €, dhe taksen në shumë prej 30 Euro për Kompenzimin e Viktimave të kimit, të gjitha këto në afat prej 15 ditëve, nga dita e plotëfuqishmerisë së aktgjykimit nën kërcënimin e përbarimit me dhunë.

A r s y e t i m

Prokuroria Themelore në Ferizaj me aktakuzën PP/nr.1790-3/2017 të dt.13.09.2017, ka ngarkuar të akuzuarin [REDAKTUAR] nga [REDAKTUAR], Komuna [REDAKTUAR], për shkak të veprës penale vjedhja e pyllit nga neni 358 par. 1 të KPRK-së.

Gjykata duke vepruar sipas kësaj qeshtje penale me datën 15.02.2018, ka mbajtur shqyrtimin fillestar konform nenit 245 par.1 të KPPK-së, ku kanë marrë pjesë prokurori i shtetit Bahri Hyseni dhe i akuzuari [REDAKTUAR].

Në fillim të shqyrtimit fillestar i akuzuari është udhëzuar në kuptim të nenit 246.1 të KPPK-së pastaj gjyqtari gjykes ka çmuar se të drerjtat e të akuzuarit janë rerspektuar, e më pas prokurori i shtetit ka lexuar aktakuzën të akuzuarit dhe pasi që gjyqtari është bindur se i njëjti e ka kuptuar në tërësi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

Lidhur me këtë i akuzuari [REDAKTUAR], ka deklaruar se e ndien veten fajtorë dhe e pranon fajësinë për veprën penale për të cilën është akuzuar, është e vërtetë se atë ditë kishte shkuar në pyll për të marrë dru për nevoja familare e jo për shitje, është i pa punë dhe gjendjen ekonomike nuk e ka të mirë, ka kërkuar nga gjykata që me rastin e shqiptimit të denimit të marrë për bazë pranimin e fajsisë në këtë fazë të procedurës gjyqësore.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është e bindur se i akuzuari e ka kuptuar natyrën dhe pasojat e pranimit të fajsisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimit të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajësisë.

Prokurori i shtetit Bahri Hyseni ka theksuar se pajtohet me pranimin e fajësisë nga ana e të akuzuarit pasi pranimi i fajësisë është bërë konform ligjit dhe provat materiale që gjenden në shkresat e kësaj lënde dhe kërkon nga gjykata që të njejtin ta pranoj si të tillë.

Gjykata pas marrëjes së mendimit nga prokurori i shtetit lidhur me pranimin e fajësisë nga i akuzuari, shqyrtimi fillestar ka vazhduar me shqiptimin e dënimit kundër të akuzuarit pasi gjykata në shqyrtimin fillestar ka vërtetuar se i akuzuari pranimin e fajësisë e ka mbështet në provat që gjenden në shkresat e kësaj lënde penale në kallximin penal të Drejtorisë për Bujqësi Zhvillim Rural dhe Pylltari në Ferizajnë Nr.502/2017 dt.22.08.2017 Fletëparaqitjen e rojës së pyllit Nr. ditarit 52/2017 i datës 21.08.2017 dhe procesverbalin të komisionit të vlerësimit të dëmit Nr.502/2017 i dt.21.08.2017.

Vlerësuar nga aspekti juridik gjykata ka konstatuar se në veprimet e të akuzuarit manifestohen të gjitha elementet e veprës penale vjedhja e pyllit nga neni 358 par. 1 të KPRK-së.

Me rastin e matjes së llojit dhe lartësisë së dënimit gjykata pati parasysh të gjitha rrethanat në kuptim të nenit 73 të KPRK së të cilat ndikojnë në llojin dhe lartësinë e dënimit, si rrethanë lehtësuese për të akuzuarin mori pranimin e fajësisë, përshka të gjendjes jo të mirë materiale ka shkuar në pyll pa leje të dëmtuarës, drutë i ka patur për nevoja familare e jo për shitje, i maruar prindë i një fëmije, pendimin e kryerjes së veprës penale, i pa punë, sjelljen e tij korrekte në shqyrtimin fillestar, ka premtuar se vepra të tilla më nuk do të përsërisë, e në mungesë të rrethanave rënduese gjykata vlerësoi shkallen e përgjegjësisë penale të akuzuarit dhe rrezikshmërinë konkrete të veprës penale, andaj duke marrë parasysh tërësinë e këtyre rrethanave dhe shkallën e përgjegjësisë penale si dhe rrezikshmërinë konkrete të veprës penale, të akuzuarit i shqiptoj dënimin në shumën prej 200 € (dyqind Euro).

Në mbështetje të nenit 46 par.5 1 të KPK-së, dënimi i shqiptuar me gjobë me pëlqimin e të dënuarit i zëvendësohet me punë në dobi të përgjithshme prej 80 (tetëdhjetë) orë, të cilën punë do ta kryej pa pagesë në afat prej tre muajve prej ditës së fillimit të ekzekutimit, me bindjen se në rastin konkret do të arrihet qëllimi i dënimit, në kuptim të preventives speciale dhe asaj gjeneralë, ku një dënim i tillë është adekuat dhe në proporcion të drejt në raport me peshën e veprës penale, rrethanave të kryerjes së veprës penale, shkallen e përgjegjësisë penale dhe personalitetin e të akuzuarit që i akuzuari të mos kryejë vepra penale të tjera të parandalimit konform nenit 41 të KPRK-së.

Gjyktata konform nenit 463 par.2 të KPPK-së vendosi në tërësi lidhur me kërkesën pasuroro-juridike, andaj të akuzuarin e ka obliguar që të dëmtuarës Drejtorisë për Bujqësi Zhvillim Rural dhe Pylltari në Ferizajnë t'ia kompensoj dëmin në shumën prej 393.21 Euro, në afat prej 30 ditësh pas plotfuqishmërisë së këtij aktgjykimi, ngase provat e mbledhura në procedurë penale

paraqesin bazë të sigurt për gjykimin e plotë të kësaj kërkesë, dhe atë bazuar në procesverbalin nr. 502/2017 i dt.21.08.2017 me të cilin është llogaritur dëmi i shkaktuar të dëmtuarës.


Vendimi mbi kompensimin e paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe taksën për kompenzimin e viktimave të krimit nenit 39 parag.1 nënpar. 3.1 të Ligjit për Kompenzimin e viktmave të krimit Nr.05/L-036.

Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ
 Departamenti i Përgjithshëm - Divizioni Penal,
 P.nr.2310/2017 me datë 15.02.2018

Zyrtar Ligjor
 Blend Rexhepi

Gjyqtari
 Adem Shabani



KËSHILLA JURIDIKE:

Kundër këtij aktgjykimi është e lejuar, ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.